



Broj: 02/06-04-010946-6/23
Tuzla, 13.06.2023. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14 i 59/22), sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku iz Zapisnika o ocjeni ponuda broj: 02/06-04-010946-5/23 od 12.06.2023. godine u postupku javne nabavke usluga tehničkog pregleda motornih vozila i okvirni sporazum će se zaključiti sa ponuđačem „Nipex“ d.o.o. Tuzla, ponuda broj: 05-05/2023-S od 30.05.2023. godine za ponuđenu cijenu 8.969,60 KM (bez PDV-a) nakon održane e-aukcije.

Član 2.

Okvirni sporazum će se dostaviti na potpis izabranom ponuđaču u roku od 10 dana, računajući od dana kada svi ponuđači budu obaviješteni o izboru. Okvirni sporazum se zaključuje na period od 24 mjeseca.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-010946/23 od 10.05.2023. godine.

Javna nabavka je provedena putem konkurentskog zahtjeva. Izbor ponuđača izvršen je na osnovu kriterija najniža cijena.

Procijenjena vrijednost javne nabavke iznosila je 36.114,00 KM (bez PDV-a). Obavještenje o nabavci broj: 1116-7-2-6-3-42/23 objavljeno je na Portalu javnih nabavki 23.05.2023. godine. Komisija za javnu nabavku imenovana Rješenjem o imenovanju Komisije za javnu nabavku broj: 02/06-30-015631/23 od 11.05.2023. godine izvršila je otvaranje ponuda dana 07.06.2023. godine. Nakon izvršenog vrednovanja te zakazane i održane e-aukcije, Komisija je ugovornom organu dostavila dana 13.06.2023. godine, Zapisnik o ocjeni ponuda broj: 02/06-04-010946-5/23 od 12.06.2023. godine, koji ujedno predstavlja preporuku i izvještaj o radu, u postupku predmetne javne nabavke.

Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet);
- da je blagovremeno zaprimljeno 5 (pet) ponuda;
- da nema neblagovremeno zaprimljenih ponuda;
- da su ponude ponuđača: „ASA testing centar“ d.o.o. Sarajevo, „SAMN“ d.o.o. Tuzla, „Nipex“ d.o.o. Tuzla i „Osing osiguranje inženjering“ d.o.o. Sarajevo prihvatljive i ispunjavaju sve uslove i zahtjeve iz tenderske dokumentacije na osnovu čega je sačinjena rang lista sa ponuđenim cijenama iz dostavljenih ponuda:

Redni broj	Naziv ponuđača	Ukupna cijena sa popustom bez PDV-a (KM)
1.	„ASA testing centar“ d.o.o. Sarajevo	22.942,98
2.	„SAMN“ d.o.o. Tuzla	22.942,98
3.	Osing osiguranje inženjering“ d.o.o. Sarajevo	22.942,98
4.	„Nipex“ d.o.o. Tuzla	22.998,98

- da je ponuda ponuđača „Polo“ d.o.o. Kalesija odbačena kao nepotpuna i ne ispunjava zahtjeve iz tenderske dokumentacije, jer ponuđač nije dostavio izmijenjeni Anex VIII Nacrt okvirnog sporazuma kako je zahtijevano tačkom 26. Konkurentskog zahtjeva: *„Sastavni dio konkurentskog zahtjeva je Nacrt okvirnog sporazuma, u koji su uneseni svi elementi iz konkurentskog zahtjeva. Ponuđači su dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te parafirati sve listove Nacrta okvirnog sporazuma.“*
Ponuđač je u svojoj ponudi propustio dostaviti izmijenjeni Anex VIII koja sadrži izmjenu u članu 6., koja izmjena nije dostavljena u ponudi ponuđača, već je ponuđač dostavio prvobitnu verziju, te se stoga ponuda odbacuje u skladu sa članom 68. stav (4) tačka i) jer ponuda nije potpuna i ne ispunjava zahtjeve iz tenderske dokumentacije za predmetnu nabavku.

Obzirom da je održavanje e-aukcije bilo predviđeno konkurentskim zahtjevom, Komisija je zakazala e-aukciju 09.06.2023 godine za održavanje iste dana 12.06.2023. godine sa početkom u 11:00 sati uz predviđeno vrijeme trajanja zakazane aukcije 10 minuta.

Dana 12.06.2023. godine, Komisija je nastavila sa radom, nakon što je na portalu javnih nabavki www.ejn.gov.ba kreiran Izvještaj o toku i završetku e-aukcije dana 12.06.2023.godine u 11:26 sati. U Izvještaju je kreirana konačna rang lista ponuđača koji su učestvovali na e-aukciji, prema kriteriju najniže ponuđene cijene.

Rang-lista ponuđača u slučaju primjene kriterija najniža cijena, nakon održane e-aukcije a na osnovu Izvještaja o toku i završetku e-aukcije broj postupka 1116-7-2-26/23 glasi:

	Naziv / ime ponuđača	Konačna cijena u KM (bez PDV-a)
1.	„Nipex“ d.o.o. Tuzla	8.969,60
2.	„SAMN“ d.o.o. Tuzla	9.176,66
3.	„ASA testing centar“ d.o.o. Sarajevo	14.926,40
4.	Osing osiguranje inženjering“ d.o.o. Sarajevo	22.942,98

Komisija za zajedničke javne nabavke je dala preporuku da se okvirni sporazum za nabavku usluga tehničkog pregleda motornih vozila zaključi sa ponuđačem „Nipex“ d.o.o. Tuzla, ponuda broj: 05-05/2023-S od 30.05.2023. godine za ponuđenu cijenu 8.969,60 KM (bez PDV-a) nakon održane e-aukcije.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i konkurentskim zahtjevom, a da je ponuda ponuđača „Polo“ d.o.o. Kalesija odbačena u skladu sa članom 68. stav (4) tačka i) jer ponuda nije potpuna i ne ispunjava zahtjeve iz tenderske dokumentacije za predmetnu nabavku.

Ugovorni organ će izvršiti dodjelu okvirnog sporazuma ponuđaču „Nipex“ d.o.o. Tuzla koja je ocijenjena kao najpovoljnija sa datom ponudom u skladu sa kriterijem za dodjelu ugovora – najniža cijena, te je odlučeno kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.

M.P. **SEKRETAR**

Zdenka Marijanović, dipl. pravnik

Dostaviti:

- „ASA testing centar“ d.o.o. Sarajevo,
- „Polo“ d.o.o. Kalesija,
- „SAMN“ d.o.o. Tuzla,
- „Osing osiguranje inženjering“ d.o.o. Sarajevo,
- „Nipex“ d.o.o. Tuzla
- a/a